

kontuola...

KONTUOLA, Idolaz elkarte, ANTZUOLA. Kazetariak: Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 64. zenbakia. 2000 ko irailaren 22a.

Ika-mikarako kartelak jarri dira

“Euskadi-Pais Vasco” esaldia estali egin dute Antzuolako karteletan


Hiru urteren bueltan azkenean jarri dituzte Debagoieneko herri guztietan herria identifikatzeko kartelak. Guztietan herriaren izenarekin eta bertako ezaguri batekin batera “Euskadi- Pais Vasco” ere ipini du Gipuzkoako Aldundiak.

Ma hilabete bada Antzuolako bi sarreretan kartel berriak jarri dituela Gipuzkoako Aldundiak. Aspaldiko kontua da kartelena. Mireia Unamuno alkateak azaldu digunez “gutxienez hiru urte badira kartel horiek ipini nahi zirela”. Baina kartelok Debagoieneko Mankomunitatean ika-mikarik ere sortu du. Izan ere, herriaren izenarekin batera “Euskadi- Pais Vasco” ere jartzen du. Hori dela eta, Debagoieneko udal ordezkariak, Debagoieneko Mankomunitatearen bitartez, “Euskadi-Pais Vasco” esaldiak zentzurik ez zuela eta kentzeko eskaera egin zuten. Herri guztietako udal ordezkariak, “Euskadi-Pais Vasco” horren ordez, besterik ez balitz “Euskal Herria” jarri beharko lukeela ere adierazi zieten Aldundiko ordezkariak.

DIPUTAZIOAREN EZETZA

Gipuzkoako Foru Aldundiak, ordea, kartel horietarako dirulaguntza aspaldi eskatu zela eta kartelok eginak zeudela eta, ez zuela atzera egingo erabaki zuen. Gauzak horrela, bailarako zortzi herrietan jarri dira kartelok eta guztietan, herriaren izena eta bertako ezaugarriarekin batera “Euskadi-Pais Vasco” jartzen du.

Kontuak kontu, Antzuolako karteletan estali egin da “Euskadi-Pais Vasco” jartzen duen kartelaren zatia. ■



Horrela ikusi daitezke Antzuolako bi sarreretan jarritako kartelak.

Ainhoa Ugarteburu kazetari berria

Haxe duzue Kontuolan maiatzetik lanean ari den kazetari berria. Ainhoa Ugarteburuk hogeita bost urte ditu eta Soziologia ikasi du Euskal Herriko Unibertsitatean.

Joan den maiatzetik ari da herriko hamabostekarian kazetari lanak egiten Marijo Deograciasekin batera. Beraz, badakizue, ezer izanez gero, berarengana ere jo dezakezue, 943 76 65 08an.



Joxe Mujika (Eperra elkarteko bazkidea)

“Ehiztarixak geroz eta gutxiago die”

Joan den domekan Eperra ehiza elkar-teak hogeita bosgarren urteurrena ospatu zuen. 48 bat lagun elkartu ziren bazkaltzera, denak gizonak, baina Joxe Mujikak esan digunez “lekuik ez geunkan, bestela neuri emakumiak gehixago gustatzen jat albuak eukitzia gizonak baiño; eztauku lekuik danendako”.

Noiz eta nola sortu zen elkartea?

Gu ehizan ibiltzen giñan kuadrilla bat eta ez geunkun nun elkartu eta pentsatu giñuan soziedade bat egittia. Ehizatik sortutako soziedade bat da.

Beti elkartu zarete egoitza honetan?

Hau egin aurretik juntak eta basarritarren sozidarian ibilli giñan urte pare baten, baiña orain dala 25 urtetikan betik hemen.

Bazkide denak ehiztariak zarete?

Ez, ehiztarixak gero eta gutxiago die; gu zaharrok aurrera goiatz eta gaztiak gero eta gutxiago datoz.

Zeintzuk izan zineten sortzaileak?

Mordoskia giñan, asko izan giñan: Joxe Torre, Eliseo, Francisco Garitano, neure partian, Santi Zabaleta, Pedro Etxaniz difuntua, Roke Iñarra... Asko izan giñan. Pena haundi bat izan zan Pedro, inaugurau baiño hamabost egun lehenago edo, atake bat emon eta hil zala.

25 urte hauetan egon da aldaketarik elkartean?

Berdin jarraitzen dau; alkartzeko, afari batzuk egitteko, ehizako junta batzuk...

Zenbat bazkide zarete?

Hirurogei sozio gara; batzuk dare jubilatuta, honezkerok hamar bat edo izango die, baiña hirurogeik kuota pagatzen dogu. Topia hirurogei ipiñi giñuan, lokal txikixa dalako; ondo lograuta dago,



Joan den domekan ospatu zuten Eperra elkartearen 25. urteurrena.

baiña 50 metro koadro dauzka planta bakoitzeko eta anpliatzeko lekuik eztauku.

Zein da bazkide zaharrena eta zein gazteena?

Bazkide gaztiena Beñat Etxebarria izango da eta bazkide zaharrena, Joxe Mari Olamendi izango da eta Jai-ki, Daniel, be edade berekua izango da.

ARGAZKI LEHIAKETA

Aurten ere Antzuolako Udalak argazki lehiaketa antolatu du. Gaia libre izango da eta hiru mailatan banatuko da, 14 urtera arte, 15-25 urte artean eta 26tik gora. Partehartzaile bakoitzak, gehienez, hiru argazki aurkeztu ahal izango ditu, ezinbestez, 30 x 40 zentimetroko euskarri batean; argazkia, berriz, nahi den tamainakoa izango da.

Lanak aurkezteko epea urriaren 11n amaituko da eta argazkiok udal-terera eraman beharko dira, egilearen

datu guztiekin kartazal itxi batean. Sariak ere mailaka banatuko dira eta 25.000 eta 15.000 pezetako sariak izango dira.

Lan guztiak lehiaketaren ondoren erakutsi egingo dira udaletxeko areto nagusian; hala ere, sari-banaketaren egunak eta erakustaldiaren datuak epaimahiak erabakia eman ondoren jakinaraziko dira. Erakusketaren ondoren, egile bakoitzak bere argazkia jasotzeko aukera izango du. Argibide gehiago: udaletxean.

GOROSTI
Taberna

☎ 943 76 62 96
Zurrategi plaza ANTZUOLA



MUEBLES
IGEA

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak



60 lagunetik gora ari da gimnasia eta aerobikean.

Mantenimendu gimnasia eta aerobic saioak

Aurtengo aerobic eta mantenimendu gimnasiaren deialdiak arrakasta handia izan du. Jende ugari apuntatu da, baina batez ere aerobika aukeratu du jendeak.

Azken urte hauetako moduan, Antzuolako udalak antolatuta aurten ere mantenimenduko gimnasia eta aerobik saioak hasi ziren joan zen irailaren 13an. Denera adin talde guztietako 64 emakume apuntatu dira. Entrenatzaileak Edu eta Maier dira, Edu mantenimendu gimnasia eta Maier aerobiken. Saioak herriko eskoletan zein maristetan ematen dira.

ORDUTEGIA AUKERAN

Mantenimenduko gimnasia talde bakarra sortu da, 12 pertsonaz osatua. Talde hau arratsaldeko 19:00etan hasten da astelehen, eguazten eta eguenetan. Eduren hitzetan "batez ere 45-50 urte inguruko emakumeak etortzen dira gim-

nasiara, taldea nahiko homogeneoa da. Mantenimenduko gimnasia helburu nagusia giltzaduretan mugikortasuna lantzea eta forma mantentzea da, tonifikaziorako egokia da". Talde hau lehenagotik dabilzanak eta hasiberrien artean osatua dago.

JENDE GEHIAGO

Aerobiken hiru talde osatu dira, goizez 9:15etik 10:15era astelehen, eguazten eta eguakitzetan, eta astelehen eguazten eta eguenetan bi ordutegitan, 19:00etatik 20:00etara eta 20:00etatik 21:00etara. Hemen pertsona gehiago apuntatu da eta taldeak 20 lagun ingurukoak dira. Maierren esanetan "nahiko talde handiak dira, eta ez dago pertsona gehiago talde hauetan sartzeko modurik".

Talde hauetan pertsonen adin tartea zabalagoa da, 18 urte ingurutik 45-50 urte inguruko jendea ari da kirol hau egiten hiru talde horietan.

ALFABETATZE IKASTAROA

Antzuolan, helduendako hezkuntzaren barruan, alfabetatze ikastaroak emango dira. Bergarako HHIIn (Helduen Heziketa Iraunkorra) alfabetatze ikasketez gain, irakur-idazketan trebatu daiteke, eta bigarren hezkuntzako ziurtagiria ateratzeko aukera ere badago. Antzuolan alfabetatze ikasketetan izena emateko gizarte zerbitzuëtara jo behar da edo, bertara deitu. Beste ikasketetan interesaturik egonez gero ere, deitzeko diote, eta taldea sortzeko adina jende egonez gero, herrian bertan emateko aukera egongo litzateke.

Horrez gain, Bergaran HHIIn ekintzak ere antolatu dira, hala nola, informatika, eskulanak eta baita bisita gidatuak ere. HHI goizez eta arratsalde egongo da irekita. Helbidea Barrenkale kalea 33-2, eta telefono zenbakia 943-764452.

EGA IKASTAROA

AEKk antolatuta EGA ikastaroa emango da aurten Antzuolan. Astean 2 egunean, eguneko bi ordu eta larunbat goizetan 4 ordukoa izango da. Informazio gehiago nahi baduzue, Akulu AEK euskaltegira joan (Masterreka 13, behe, Bergara), edo bestela deitu 943-760518 telefonora.

UMEENTZAKO JOLASAK

Zapatuan, hilaren 23an, umeentzako herri kirolak eta jolasak antolatu dituzte. Kulki parkearen eskutik izango dute herriko neska-mutikoei ondo pasatzeko aukera. Gainera ezagutu ere ezagutzen dute Kulki parkearen eskaintza; izan ere, Antzuolako jaietan pilotalekuan aritu zirenak dira eta Kulkikoak. Zapatuan Zurrategin antolatuko dute parkea, arratsaldeko 17:00etatik aurrera. Deskuidoan eguraldiak lagunduko ez balu, herri kirolak eta jolasak pilotalekuan egingo lirateke.

LARREA

TABERNA

Kalebarren 17
ANTZUOLA

Igor eta Txomin



Margoak orokorrean

ANTZUOLA BERGARA
609 157 131 609 150 164

**LEKU-BERRI
MERENDEROA**

Janariak eta edariak

Tf. 943 76 60 94

zabalo

IGELTSEROTZA

Jose Luis Zabalo

Birgaitzeak • Fatxadak
Teilatuak • Sukalde eta bainu gelak
Kalegoi 9, 1a., ANTZUOLA. Tf. 943 76 60 89

Lurdes Alberdi (Liburutegiko arduraduna)

“Katalogazio lana falta denez, oso zaila da liburuak aurkitzea”

Lurdes Alberdi zumarragarrik Antzuola-ko Liburutegian dihardu lanean liburu, aldizkari eta bideoen katalogazioa egiten. Artearen Historian lizentziatua, hainbat ikastaro egina, ez da lehen aldia liburutegi batean lanean aritzen dena. Urtarrilera arte arituko da lanean.

Zein da zure lana?


Jendeari aholkuak eman eta liburuak hartzerakoan laguntzeko nago. Liburutegia informazio gune bat da, eta esan genezake ni informazio hori eta pertsonen arteko bitartekaria naizela. Katalogazioan, aldiz, informazio hau sailkatu behar da, liburuak kontrolatu, non kokatuta dauden jakin. Gaur egun jendea liburutegira zerbaiti buruz galdeztera etortzen denean, katalogazioa falta denez, oso zaila da liburuak aurkitzea. Arau batzuk bete behar dira liburutegietan eta hori da katalogazioa.

Zer aurkitu duzu liburutegian?

Gaszte jendearendako liburu asko dago, baita entziklopediak ere, baina liburu zahar asko ere badago. Jendeak nobela eskatzen du batez ere, eta nobelari dagokionez asko berritu behar da.

Zer adinetako jendea etortzen da?

Batez ere gaztetxoak dira liburute-



Lurdes Alberdi udal liburutegian ari da lanean.

gia erabiltzen dutenak, 10-14 urte ingurukoak, baina uste dut liburutegietara, orokorrean, ez Antzuolan bakarrik, jende gehiago etorriko litzatekeela gauza gehiago eskainiko balira. 17 urtetik gorako jendea ez da liburutegira etortzen.

Katalogaziorako lan handia duzu?

Bai, lan handia da orokorrean katalogazioa. Gainera, dena informatizatu

behar da, baina prozesua nahiko poliki doa. Horregatik egunean zazpi orduz egoten naiz hemen, eguerdiko ordubatek arratsaldeko zortziak arte.

Irailean oraindik udako ordutegia dago, 6tatik 8etara, baina, datorren hiletik aurrera neguko ordutegia ezarriko dugu: astelehenetik eguakitzera arratsaldeko 5:00etatik 8:00etara.

AITZ-GARBI



taberna
jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51



Kalebarren 7, ANTZUOLA Tf. 943 78 71 12

Euskal
sukaldaritza

Eguneko
menua



Jose Gomez
Abad

Errekalde 6, 4-B. Antzuola
943 76 60 19
943 76 60 43

“Jendeak nobela eskatzen du batez ere, eta nobelari dagokionez asko berritu behar da”